

清・錢塘丁丙撰輯

武林掌故叢編 4

台聯國風出版社
華文書局
聯合印行

武林掌故叢編目錄

第七集

武林怡老會詩集一卷 明張瀚編

西湖月觀記一卷 明陳仁錫撰

鼇峯倡和詩一卷 明道士范應虛編

橫山游紀一卷 明馬元調撰

孝慈庵集一卷 國朝不著編輯姓氏

武林草一卷 附錄一卷 國朝趙士麟撰

里居雜詩一卷 國朝朱樟撰

金鼓洞志八卷 國朝朱文藻撰

武林掌故叢編 第七集

新門散記一卷 國朝羅以智撰

城北天后宮志一卷 國朝丁午撰

武林怡老會詩集

光緒八年正月
錢虞丁氏竹書
堂刊凌瑕署檢

武林怡老會序

昔唐季香山會凡九人遺老李元爽老衲如滿在其
中其狄兼謨盧貞以年不及稀雖會不列賦詩同遊
七人而已繪圖畫像流傳迨今使人羨慕無已要在
操德勵志仕宦勉修政行家食無忤鄉評非徒冒榮
名積歲月飲食宴樂流連光景已也余歸休數年始
與同鄉諸縉紳修怡老會會幾二十人一時稱盛集
余嘉樹里第已而訂爲四會選勝湖山迭爲主賓不
疎不數不豐不嗇閒賦一詩不必盡成事或相妨不
必盡至陶陶然謂爲山澤散人良是謂爲宦途棄置

怡老會詩集序

朽腐亦是行止語默食飲嘯歌各率其性效沂水之
咏尋陋巷之樂適意放志謂爲老邁疎狂亦是是所
謂素位行樂無願于外吾儕誦法孔孟童而習之白
首不失故吾無論既往今此優游桑榆庶幾不見鄙
于閭閻月旦已年來奄逝三四人輒有年已及者補
入數不減于舊彼修短定命聚散常理一時交歡轉
眼陳迹今所視昔猶後視今雖感慨櫻情且舒懷在
目爾各寫顏貌稍列宦遊述所賦詩載諸後爰鈐梓
成帙各存一本遺諸後人余竊謂吾儕四民之一始
宣力四方軒然志尙繼謝事歸來筋力不能農工智

慮不諧商賈依然素習結隊遨遊韜光鏤采漱流枕
石以終天年古人陶情詩酒混迹漁樵往往如是彼
營營溷濁呼吸偷生非我徒也漫識篇端共期沒齒
無數云萬厯戊子季冬仁和張瀚撰

怡老會詩集序

二

怡老會約

一會期以四季仲月若有事不妨或前或後

一會日會處任主者定先期三日總一柬傳達書知至期不復邀已刻咸集

一飲食各充其量客不固辭主不强勸輿從各自給仍戒勿搶攘

一意興所到率意成詩成不成工不工各自得也

一坐閒談山川景物之勝農圃樹藝之宜食飲起居之節中理快心之事若官府政治市井鄙瑣自不溷及

怡老會詩集

約

三

一畫像不全具緣會日偶遇徐生遂次第起描不終日而十餘人皆具後補寫傳來不能一一遂僅刻如左

韋泉潘公像




怡老會詩集

像

一

公名翊字汝昭仕爲甯都縣知縣歷湖廣沅州知州直隸松江府同知伊府左長史致仕時年九十

原泉褚公像




怡老會詩集

像

二

公名相字朝弼仕爲山西霍州知州陞江西饒州
府同知致仕時年八十四

桂峰沈公像



怡老會詩集

像

三

公名蕃字价甫仕爲直隸鳳陽府臨淮縣知縣復
補山東青州府樂安縣歷福建福州府通判致
仕時年八十三

新菴林公像



怡老會詩集像

四

公名鳳字文瑞仕爲鴻臚寺序班供事史館陞中
書舍人致仕時年八十三

介亭顧公像




怡老會詩集像

五

公名楫字良濟仕爲福建延平府沙縣知縣致仕
時年八十二

玉泉王公像



怡老會詩集像

六

公名體坤字惟厚仕爲通政司知事供事史館陞
中書舍人致仕時年八十一

初陽孫公像



怡老會詩集像

七

公名本字立甫仕爲直隸眞定府深州知州致仕
時年八十一

元洲張公像



怡老會詩集像

八

公名瀚字子文仕爲工刑二部郎歷直隸廬州大名郡守陝西廣東四川福建山西藩臬巡撫陝西總督漕運兩廣南京都察院右都御史工部尙書吏部尙書加太子少保致仕時年七十九

敬亭陳公像



怡老會詩集像

九

公名善字思敬仕爲歙縣知縣歷禮部郎僉事參議副使參政按察使以雲南左布政使致仕時年七十六

上湖鄒公像




怡老會詩集像

十

公名鑑字汝明仕爲滁州學正甯國府南陵縣知縣致仕時年七十六

春城朱公像



怡老會詩集像

十一

公名璣字儒珍仕爲江西南昌府武甯縣教諭歷直隸淮安府流陽縣知縣雲南廣西府師宗州知州直隸淮安府同知致仕時年七十五

麟洲張公像




怡老會詩集 像

士

公名洵字子明仕爲福建甯化縣知縣歷山東濮
州知州江西吉安府同知致仕時年七十五

蒙山饒公像




怡老會詩集 像

士

公名瑞卿字應之仕爲直隸安慶府宿松縣知縣
歷廣西桂林府通判福建建甯府政和縣知縣
以四川龍安府推官致仕時年七十五

南泉沈公像




怡老會詩集像

十四

公名友儒字子真仕爲刑部主事歷直隸揚州府
同知致仕時年七十二

青陽吳公像



怡老會詩集像

十五

公名臬字憲甫仕爲山東青州府莒州知州調廣
西柳州府賓州知州陞河南周府長史致仕時
年七十二

少崖許公像



怡老會詩集像

六

公名嶽字子峻仕爲南京工部主事歷員外郎中

直隸常州廣西柳州梧州三府知府廣東按察

司副使致仕時年七十一

武林怡老會詩集

春會詩

潘翊

杖履追隨數往還林臯何幸樂餘年漫看駒隙恩
 過閒訂鷗盟事事便頻聚自慚居席右杯傳莫惜醉
 花前石湖門第長春圃心遠從來地自偏
 從知心遠地應偏嘉樹門開小洞天逆旅看來皆過
 客閒身脫去卽爲仙花明綠野傾三雅曲度朱絃洽
 四筵賓主東南真不忝敢將潘鬢邁羣賢

褚相

怡老會詩集

一

憶昔風塵解綬還相看盡是白頭年謾誇洛社耆英
 勝且樂芳春燕會便和氣融融踰柳下高談種種醉
 花前何當大老延清賞弄月吟風興不偏
 東南山水勝無偏盡說西湖是洞天名教敢窺方外
 術靈區何異地行仙悠悠鷗鷺牽心賞靄靄烟霞擁
 壽筵投老幸逢明盛日四朝簪珥一時賢
 夜雨催花曉乍晴枝頭好鳥弄新聲興來薦酒干巡
 少詩到哦梅七步成濃淡若分桃李色芳香同結歲
 寒盟醉深更欲移燈照肯負賢豪戀賞情
 古剎蕭森晝乍陰落花幽鳥更相尋法堂漫聽禪心

偈國老追歡樂事深眇眇仙風空色象雍雍大雅素知音百年共惜殘春景秉燭酣歌樂滿襟

沈 蕃

蕭蕭別駕倦遊還江郭棲遲入暮年不有茂先情過厚何由沈約興俱便序逢翠葆紅香後讎集青山綠野前去住陶然忘禮教伊誰解整角巾偏

遵養渾忘意興偏共誇八座昔擎天賓朋適合瀛洲數庚甲依稀衛武年對酒莫須憐衆醉傍花仍許更移筵知公出處能專美不羨都門漢二賢

悠然堂下酌花神一種時開二色新素質雅宜和靖

怡老會詩集

二

伴寒香早占曲江春枝頭桃李非同調席上瓊瑤未足珍始信江南先得煖並看嘉實薦嘉賓

仙陀雙樹綠成陰修禊還應此地尋杖策敢辭苔徑滑攜尊直造竹林深花飛香雨飯無色鳥弄春聲叶枕音若遇遠公重結社白頭終自媿青襟

林 鳳

恩重絲綸予告還每依山斗樂堯年不因芳杜飛觴急共訝金蘭意氣便久棄浮名耽物外且開笑口樂尊前地分清切真堪賞吐握無勞禮數偏公旦南還意未偏累披丹悃達白天溫綸允結西湖

社雅志真同上乘僊綠野芳尊開梓里青宮虛席待經筵四時佳興誇同野獨媿追陪命世賢雨痕猶是惜春陰窈窕叢林策杖尋異代碑從蒼蘚合諸天閣迴白雲深羣公載酒開清宴太宰揮毫倡雅音況是新晴愜心賞共隨蘭若一披襟

顧 楫

飛舄翩翩逐倦還忽傳尺素問餘年花閒擬作耆英會人世從教眞率便白雪聯吟慚里下清尊徒倚向花前懸知國老承天錫故舊猶沾聖澤偏

槐棘堂開淑景偏辛夷香滿暮春天半生宦跡皆爲

怡老會詩集

三

客垂老歸咉總是仙笑對鶯花仍把酒手挑薇蕨更移筵須知賓主殷勤意吐握從來集眾賢

雲煖冰消弄曉晴重重簾幙峭寒輕貂裘滿座皆耆德畫閣開筵話舊情紅白梅花含臘色閒關好鳥叶春聲酒邊方憶笙歌沸又擬明朝結軌行

孫 本

宦心遙逐白雲還風景渾疑勝昔年長日眞從閒始覺衰齡直與懶相便忻聞結社明湖曲叨遇開尊綠野前杖履翩翩縱歸步殘陽猶在樹西偏解官歸里沐恩偏林壑悠悠入暮年一境衣冠多耄

臺半空樓閣集神仙青雲拂座聯嘉樹白雪霏談映綺筵祇恐山公行詔起不禁零落竹林賢

古木池亭張仲家偶逢春社見奇葩何年分得聯枝種此日能開二色花插鬢星星寒綴雪入顏朵朵醉生霞暗香疎影渾閒事從此孤山莫浪誇

雨露承恩罷烟霞結社初遙空倦飛鳥巨壑縱歸魚花落春猶駐莫開日正舒西湖修洛會南極吳墟張燕圖書府移尊水竹居樹陰籠几席樓影入清虛杯泛春前酒盤供雨後蔬龐眉行却杖鶴髮坐聯裾俗變衣冠古情真禮貌疎詎咨惟稼圃稱說盡詩書

怡老會詩集

四

磊落誇諸老蓬條愧獨子耕從彭澤後稷接永和餘歲稔玄功普時平帝澤疏省躬期引翼造物任乘除

王體坤

高風太宰急流還屏跡平泉閱歲年摘藻每於烟水得邀盟唯與鷺鷥便何當躅美香山後喜共追芳洛社前老我清時逢盛事浮觴歡賞興逾偏

綠野堂深地自偏耆英社集暮春天珠談玄論人盈坐皓首龐眉客並仙況際雍熙宜擊壤不妨眞率數開筵頽齡久已慚駒隙何幸賡歌附大賢

東林追憶晉風流遠過潮鳴古寺幽梵語杳從雲外

度天香忽向座中收酒杯到手傾河朔詩句驚人破蔡州竹院陰森堪燕集從知乘興媿王猷

張瀚

壯歲驅馳屬厭還何嗟風景促流年名都不改湖山勝故老相忘禮度便高論紛紛縉嘉樹下芳尊飛洒落花前陶然共起延清眺轉覺沾濡雨露偏梓里衡門地亦偏祇安耕鑿戴堯天一時朋舊憐同道何處蓬萊訪列仙自喜圖書供鑒賞不煩歌舞媚賓筵殷勤共保桑榆日莫遣耆英擅昔賢

惠連幽致卜林塘幾樹江梅壓眾芳色借武陵迎

怡老會詩集

五

日香分庾嶺冒輕霜乘空鶴馭紛相引滿泛金漿樂未央我獨閉門思杖策竹欄徙倚月昏黃

殘春猶自晝常陰絳殿花宮愜遠尋隔樹鐘聲苔徑曲到門犬吠竹林深披圖萬相元無相悅耳潮音是梵音却憶從前良燕會何如此地豁塵襟

金鐘

十九人中壽算多一千四百數還過累沾雨露培衰質那覺光陰似擲梭席上襟期餘道義尊前景物值融和揆端久仁虞廷望嘉樹何能繫玉珂

西湖風物自年年投老歸來却有緣二月看花頻載

酒三秋待月好移船布袍藜杖餘生計樵唱漁歌總
樂天爲惜歲華忙裏過且拚尊酒日留連

朱璣

萬里迴翔倦鳥還喜同桑梓樂豐年高賢肯枉羊裘
契孱弱欣隨杖履便自愧無珍懷席上敢辭有酒醉
花前歸來禮度都忘却冠帽猶知不敢偏
陰雨連旬氣運偏喜簷此日得晴天絃歌鼓吹皆天
樂筋骨鬚眉總地仙大雅多情開勝會鰥生何幸預
華筵功名富貴由前定對此忘機羨獨賢

妬花風雨苦難晴蕭寺尋春約屢更儉歲先憂空軫

怡老會詩集

六

念暮年餘樂慙怡情牡丹遲客開猶豔戴勝催蠶降
始鳴與從莫嫌歸路僻憐余顛跣步難行

郇鑑

天涯宦轍幾人還可是重逢結社年無恙湖山華髮
共有情桑梓故園便追陪潞國難爲後擬到東都未
讓前媿我濫觴聯綺席光風猶喜近人偏
垂白須知歲月偏殘春還是洛陽天觥籌對景圖中
繪杖爲隨緣世外仙舊日鸛班今日齒今人燕集古
人筵冠裳濟濟皆名世喜動星躔兆聚賢

梅花破臘幾經旬對酒悠然慨隱倫媿乏朱顏參色

相還將白髮關精神移時風物都非舊屈指年華又
受新延賞莫辭花下聚頽然一醉武林春

饒瑞卿

辭榮共羨碧山還出處無心得引年梓里名園招並
賞葛巾初服自相便杖扶靈壽歌花下褰祓蘭亭醉
酒前何幸追隨沐餘澤北辰南極寵光偏
北辰南極寵光偏太史星占已應天齒德獨尊元輔
老追隨共擬地行僊奇花爛熳開東閣嘉樹婆娑拂
綺筵歌咏太平齊壽考風流不說永和賢

斷烟殘靄散春陰花裏禪房喜共尋化地樓臺通海

怡老會詩集

七

僻諸天色相出雲深醉扶靈壽觀空界宴坐烏皮聽
法音莫道香山多勝事此中更可滌煩襟

張洵

春到梅花次第開招攜此日共銜杯淡濃葩發千條
錦脂粉姿分二色腮霜映玉容來吐秀月留丹魄映
疎臺恍疑桃李連枝媚風遞交香入座來
殘春高會半晴陰杖履相將此地尋路入祇園庭草
綠逕穿空院落花深已知竹葉能消俗況復蓮臺不
染心回首韶光成底事何如長嘯一開襟

張溥

爲厭塵繁思靜域不辭杖履特幽尋陰森竹院烟霞
合窈窕祇園色相深自幸頽年依白社忽聞清梵協
潮音逢僧更得烹新茗不二門中一滌襟

把酒池塘畔寒梅發幾枝素英疑玉屑朱萼透胭脂
醉擬羅浮月長吟何遜詩夜窗清夢裏誰爲寫相思

錢文昇

叢林春暮綠成陰良會無勞費遠尋殿覆古松蒼靄
合院藏曲逕綠苔深神圖名筆還留相御蹕江濤此
聽音最是玄談快心賞頓令塵垢豁吾襟

沈友儒

怡老會詩集

八

招提慧日破頑陰社侶優游杖策尋四序漫憐駒隙
過百年且樂酒杯深鳥馴香積廚邊供風遞琅玕物
外音却憶思陵停輦處江流長沈佛前襟

吳 臬

春光九十晝長陰香落殘紅無處尋雅會幸逢筋力
健清時轉覺笑談深瓶花摘錦供筵賞棲鳥聞香識
梵音更喜老僧能愛客茗盃頻送解煩襟
雲暗江城帶夕陰忽憐春去強追尋芳菲零落林塘
晚世態蕭條感慨深靜演十乘飯寶相慧通三昧證
禪音醉餘徙倚閒庭話爲戀清幽慰夙襟

許 嶽

清時同日賦歸來黃髮翩翩洛社開載酒共尋支遁
宇談詩深婉許詢才潮音夜半歸僧舍春色林蕪照
客杯太史若占星聚處應知南極接三台

夏會詩

潘 翊

長夏初歸節序新清和猶得似殘春黃鸝帶語飛穿
柳紫燕銜泥掠傍人遮莫酡顏消白晝翻憐霜鬢謝
紅塵流連不解追河朔引滿須知樂自真

風雲初入會諸老共徜徉其聚信可樂其義亦孔良

怡老會詩集

九

酒行方酬醉烟波正迷芒主人勸客飲客亦起趨踰
鮮飈忽界眼霏微霑我裳霑裳不足惜且得就清涼
感此同欣暢對酒有餘狂向晚復澄霽開朗發天光
落霞映孤嶼斷雨帶斜陽返照重湖裏歸雲擁高岡
向晚起歸思悠悠樂且康

褚 相

白髮黃冠作漫遊西冷宴集卽丹邱清分處土烟雲
勝老覓仙翁井渫幽滿戶霞光凝綠野一簾夕照映
芳洲高情盡在漁磯外何必桐江訪釣儔

沈 蕃

初夏園林暑未侵不妨詩酒散閒心蘭亭興致追芳
躅河朔沉酣恥蹈淫席傍池荷香拂坐涼生徑竹綠
鋪陰昇平樂事歸吾黨老去流光惜寸金

烟水磯頭肅綺筵驟然風雨失晴天酒徒共效高陽
侶詩客爭傳白雪篇向晚雲霞開翠嶺將歸賓主復
夷延舉頭更見東方月小艇何妨入夜還

余本蓬茅士那識湖中樂重荷上公招得奉羣仙噓
郊原修社會慰我居之索仲夏時鬱烝梅雨侵行幕
西湖渺烟水一望迷村落但喜酒盈尊主賓恣酬酢
須臾風掃雲斜陽透林壑山色翠嶙峋湖波金閃鑠

怡老會詩集

十

不啻溽暑消轉覺襟期擴欲挽樹杪暉忽遞城頭柝
秉燭良有以操觚可無作賡歌振鷗鷺觥籌復交錯
吾黨切淳龐願言消鄙薄毋忽桑榆景永矣勵明約

林鳳

入夏景冲和林亭樂事多幽花連綺席修竹傍山阿
酒綠飛鸚鵡歌長裊薜蘿名公情坦率暢敘每相過
二儀盪晴景兩湖涵碧天卓彼三槐翁耽棲五柳烟
圖書積烏几杖履躡翠巔結廬面孤山時誦南華篇
睥睨騁遐矚箕踞傲列仙賞心磯畔石泛瓢西泠泉
曖曖雲忽翳殷殷雷復齏移尊清暉堂宴坐清愈妍

清歌聞婉轉白芒臨潺湲倏焉開遠霽玉宇清且鮮
落霞映芳沚鳴琴調素絃主賓暢雅抱縱飲興益堅
松風消薄暑蘿月懸虛檐行膺宣室詔對此倍留連

顧楫

畫樓縹緲水雲漫四面青山對酒看寵辱不驚詩興
在敢題新句刻琅玕

烏紗白髮貌森森閒伴沙鷗坐水陰却笑湖中了公
事誰知山水自無心

都會錢唐古西湖天下稀地靈與人傑美萃烟水磯
波光碧千頃山色青四圍主人抱高尚後樂乘憂違

怡老會詩集

十一

卜築臨清流結廬依翠微一從赤松遊載採商山薇
或理玄真釣秋膾鱸魚肥肯忘丹鳳閣閒逐白鷗飛
聖主思老成恩寵渥且巍行膺蒲輪詔杖朝贊垂衣

孫本

累石穿池院落中白鷗黃鳥日初融招邀適滿瀛洲
選真率猶存洛社風坐近樹陰侵袂綠杯傳酒氣借
顏紅主人情重頻留客華月徐看出海東
平章宅裏設賓筵坐載山肴聚列仙芍藥畦邊高壘
石薔薇屏外細通泉不勞鼓吹娛長晝賸有琴尊慰
暮年梅雨初過天復霽歸途正遇月華圓